

Odbor za zdravstvo

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Odbor za zdravstvo

Broj: 01/23-02-165/23-5  
Datum: 15.03.2023. godine

Primljeno:		15-03-2023	
Org. jed.	Broj	Priloga	Vrijednost

PREDSTAVNIČKOM DOMU  
PARLAMENTA FEDERACIJE BiH

Odbor za zdravstvo Predstavničkog doma Parlamenta Federacije Bosne i Hercegovine je na Vanrednoj sjednici Odbora, održanoj dana 28.02.2023. godine, razmatrao sljedeći:

### DNEVNI RED

1. Inicijativa za davanje autentičnog tumačenja člana 44. Zakona o zdravstvenom osiguranju FBiH, koju je Parlamentu FBiH uputio Puniša Rešetar iz Zenice,
2. Inicijativa mreže pacijentskih udruženja „Pravo na lijek FBiH“, koja je Odboru upućena ispred 28 pacijentskih udruženja iz Federacije BiH,
3. Inicijativa za usklađivanje Prijedloga Budžeta FBiH za 2023. godinu sa Zakonom o zdravstvenom osiguranju FBiH u pogledu finansiranja rada Fonda solidarnosti FBiH, broj: 01/23-11-2654/22 od 20.01.2023. godine koju su uputili Centri Civilnih Inicijativa- CCIBH, Udruženje za razvoj društva KAP, Udruga za unapređenje kvalitete življenja FUTURA, Udruženje distrofičara Bužim i Udruženje Stop Mobbing,
4. Tekuća pitanja.

Na osnovu člana 44. stav 2. Poslovnika Predstavničkog doma Parlamenta Federacije BiH, Odbor podnosi sljedeći:

### IZVJEŠTAJ

Ad-1

**Inicijativa za davanje autentičnog tumačenja člana 44. Zakona o zdravstvenom osiguranju FBiH, koju je Parlamentu FBiH uputio Puniša Rešetar iz Zenice**

Na Odbor je prosljeđena Inicijativa za davanje autentičnog tumačenja člana 44. Zakona o zdravstvenom osiguranju FBiH, broj: 01/c-04-597/23 od 06.02.2023. godine, koju je Parlamentu FBiH uputio Puniša Rešetar iz Zenice. Odbor je konstatirao da nije dobio mišljenje Vlade FBiH i nadležnog ministarstva o navedenoj Inicijativi, da podnositelj prijedloga za davanje autentičnog tumačenja nije dostavio prijedlog teksta općeg akta- autentičnog tumačenja s obrazloženjem, a u skladu sa članom 209. Poslovnika Predstavničkog doma PFBiH, te zbog toga ne može ispoštovati odredbe člana 210. Poslovnika Predstavničkog doma Parlamenta FBiH.

Nakon detaljne rasprave o navedenoj tački dnevnog reda, članovi i članice Odbora su jednoglasno usvojili sljedeći:

### ZAKLJUČAK

Odbor će kada zaprimi pismeno očitovanje Vlade FBiH o Inicijativi za davanje autentičnog tumačenja člana 44. Zakona o zdravstvenom osiguranju FBiH, broj: 01/c-04-597/23 od 06.02.2023. godine, koju je Parlamentu FBiH uputio Puniša Rešetar iz Zenice zauzeti svoj stav i o tome obavijestiti Predstavnički dom Parlamenta FBiH.

## **Ad-2**

***Inicijativa mreže pacijentskih udruženja „Pravo na lijek FBiH“, koja je Odboru upućena ispred 28 pacijentskih udruženja iz Federacije BiH.***

Odbor je zaprimio Inicijativu mreže pacijentskih udruženja „Pravo na lijek FBiH“, broj: 01/23-02-669/23 od 08.02.2023. godine, koja je upućena ispred 28 pacijentskih udruženja iz Federacije BiH, gdje se od Odbora traži da u okviru svojih nadležnosti podrži nastojanja mreže pacijentskih udruženja da zajedno sa predstavnicima Federalnog ministarstva zdravstva učestvuje na sastancima u cilju iznalaženja najboljih rješenja za implementiranje principa transparentnosti, otvorenosti i uključenosti u procesu projekta „Jačanje integriteta u procesu kreiranja listi lijekova u FBiH“.

Odbor je detaljno razmotrio navedenu Inicijativu i jednoglasno usvojio sljedeću:

### **O D L U K U**

Odbor podržava Inicijativu mreže pacijentskih udruženja „Pravo na lijek FBiH“, broj: 01/23-02-669/23 od 08.02.2023. godine, koja je upućena ispred 28 pacijentskih udruženja iz Federacije BiH, te izražava spremnost i otvorenost za saradnju s ciljem jačanja integriteta i poboljšanja transparentnosti u zdravstvenom sektoru.

## **Ad-3**

***Inicijativa za usklađivanje Prijedloga Budžeta FBiH za 2023. godinu sa Zakonom o zdravstvenom osiguranju FBiH u pogledu finansiranja rada Fonda solidarnosti FBiH, broj: 01/23-11-2654/22 od 20.01.2023. godine koju su uputili Centri Civilnih Inicijativa- CCIBH, Udruženje za razvoj društva KAP, Udruga za unapređenje kvalitete življenja FUTURA, Udruženje distrofičara Bužim i Udruženje Stop Mobbing.***

Odbor je ponovo razmatrao Inicijativu za usklađivanje Prijedloga Budžeta FBiH za 2023. godinu sa Zakonom o zdravstvenom osiguranju FBiH u pogledu finansiranja rada Fonda solidarnosti FBiH, broj: 01/23-11-2654/22 od 20.01.2023. godine koju su uputili Centri Civilnih Inicijativa- CCIBH, Udruženje za razvoj društva KAP, Udruga za unapređenje kvalitete življenja FUTURA, Udruženje distrofičara Bužim i Udruženje Stop Mobbing. Odbor je konstatirao da nije dobio pismeno očitovanje Federalnog ministarstva zdravstva i Vlade FBiH na Zaključke Odbora, broj 01/23-02-165/23-2 od 25.01.2023. godine. U vezi s tim, Odbor ponovo traži od Vlade FBiH i Federalnog ministarstva zdravstva pismeno očitovanje na sljedeće:

### **Z A K L J U Č K E**

1. Odbor ne osporava zakonsku obavezu koja je navedena u Inicijativi za usklađivanje Prijedloga Budžeta FBiH za 2023. godinu sa Zakonom o zdravstvenom osiguranju FBiH u pogledu finansiranja rada Fonda solidarnosti FBiH, broj: 01/23-11-2654/22 od 20.01.2023. godine koju su uputili Centri Civilnih Inicijativa- CCIBH, te Udruženje za razvoj društva KAP, Udruga za unapređenje kvalitete življenja FUTURA, kao i Udruženje distrofičara Bužim i Udruženje Stop Mobbing,
2. Odbor traži pismeno očitovanje Federalnog ministarstva zdravstva i Vlade FBiH o razlozima višegodišnje neusklađenosti Prijedloga Budžeta FBiH sa Zakonom o zdravstvenom osiguranju FBiH u pogledu finansiranja Fonda solidarnosti FBiH,
3. Odbor će se po pribavljanju izvještaja izjasniti o navedenoj Inicijativi i o tome upoznati predlagatelje Inicijative i Parlament FBiH.

**Ad-4**

***Tekuća pitanja***

Odbor je pod ovom tačkom dnevnog reda razmatrao problem nedostatka citostatika koji su neophodni za adekvatnu terapiju za onkološke pacijente, te jednoglasno usvojio sljedeće:

**MIŠLJENJE**

Odbor traži od Federalnog ministarstva zdravstva da poduzmu aktivnosti i predlože mjere za rješavanje problema nedostatka citostatika kako bi se onkološkim pacijentima obezbijedila adekvatna i neophodna zdravstvena usluga.

Za izvjestioca u Predstavničkom domu Parlamenta FBiH određen je gosp. Antonio Sesar, predsjednik Odbora.

**PREDSJEDNIK ODBORA**

Antonio Sesar, s.r.